



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IGREYIDI 12

ISINDEBELE ILIMI LESIBILI LOKWENGEZA (SAL)

IPHEPHA LESIBILI (P2)

NOVEMBA 2023

IMITLOMELO: 40

ISIKHATHI: I-iri li-1½

Iphepheli linamakhasi ama-5.

YELELA

1. Iphepheli LINESIGABA ESISODWA:

ISIGABA A: lindaba ezifitjhana

2. Landela imiyalo onikelwe yona ekuthomeni kwaleso naleso sigaba ngokuyeleta okukhulu.

3. Nombora iimpendulo zakho ngendlela ezinonjorwe ngayo ephepheni lemibuzo.

4. Thalela emva kokuqeda isigaba.

5. Isikhathi esiphakanyisweko sokuphendula isigaba ngasinye:

ISIGABA A: Pheze imizuzu ema-90

6. Tlola ngesandla esihle nesibonakalako.

ISIGABA A: IINDABA EZIFITJHANI**TJHEJA:**

- Isigabesi sinemibuzo EMIBILI, UMBUZO 1 noMBUZO 2.
- Phendula IMIBUZO YOMIBILI.

UZANGENZANI – DM Jiyana nabanye**UMBUZO 1: 'UKUKHAMBA KUBONA'**

Funda isiqetjhana esingenzasi bese uphendula imibuzo elandelako.

ITHEKSTHI A

KungeLesibili ekuseni uMatjhiyana uvuka ekuseni ungena etjhawa. Uthe abuya wathola okuya ngendeni. Walinda ilanga bona liphakame kancazana, waphuma waliqalisa edorobheni. Ukhamba nje akazi bonyana lokufa alitjeli. Namhlanjesi uzakhe a thi ukucabuza iinrhwerhwe zendawo. Uthe asakhamba wahlangana nomngani wakhe akade amgcina uSithole. Bubuye boke ubumnandi nethabo. USithole amthathe 5 ambonise iindawo ezikarisako ngedorobheni.

Wathanda ukulibala khulu nomnganakhe lo ngombana nakhu wamkhupha isizungu. Bathe baphuma kilendawo wamthatha wamus lapha kuhlala khona iinyoka. Phela naye selalibe bonyana kude lapha afikele khona, uzwelela ubumnandi bedorobha. Kuthe lapho ilanga seliyokutjhinga baya evilweni (*The Wheel*). Bathi ukuzizwisa 10 ngokukhwelela lijike nabo kancazana belifike phasi bahlike.

[Ikhasi 71]

- 1.1 Tlola isizathu esenza bona uMatjhiyana avakatjhele kile ndawo esimthola akiyo. (1)
- 1.2 Tlola unobangela owabhalelisa uMatjhiyana ukukhamba ngamandla ngemva kokulemuka bona sekuhlwile. (1)
- 1.3 Tlola indawo lapha uMatjhiyana nomnganakhe baya khona ilanga nasele liyokutjhinga. (1)
- 1.4 Veza bona uMatjhiyana uhlobana njani noSithole. (1)
- 1.5 Rhunyeza isizathu esenza bona uMatjhiyana abanjwe mnyama nasele abuyela emuva. (2)
- 1.6 Hlathulula itshwayo elazwiwa nguMatjhiyana negade limtjela bona kukhona okumbi okuzomehlela. (2)
- 1.7 Ucabanga bona uyini umnqopho womtloli wokwenza bona uMatjhiyana ahlangane nomnganakhe nekukade amgcina. Ipendulwakho ayibe liphuzu ELIODWA. (2)

- 1.8 Phendula isitativende esingenzasi ngoLIQINISO nofana AKUSILO IQINISO bese usekela isiqunto osithathako ngephuzu ELILODWA.
Kwakade indawo yeMgababa yayigcwele ngobugebengu. (2)
- 1.9 Hlathulula umqondo omunyethwe magama athi, 'Kokunye vane sithokoze nabayibambe bayithintitha bayitjhiya isadla amabele.' Ipendulwakho ayibe liphuzu ELILODWA. (2)
- 1.10 Ucabanga bona isenzo sakaMatjhiyana sokusuka kwakhe eze endaweni le esimthola akiyo simveza amlingisi onjani? Ipendulwakho ayibe liphuzu ELILODWA. (2)
- 1.11 Coca ngesizinda sesikhathi esitholakala etheksthini engehla. Ipendulwakho ayibe liphuzu ELILODWA. (2)
- 1.12 Tshwaya ngokuphumelela komtloli ukusethulela isingeniso sendatjana le. Ipendulwakho ayibe liphuzu ELILODWA. (2)
- [20]

UMBUZO 2: 'IJIMA'

Funda isiqetjhana esingenzasi bese uphendula imibuzo elandelako.

ITHEKSTHI B

Kuzwakale ukuthokoza okukhulu. 'E ... Mahlangu Maridili wakoNdamaase sizakuthokozela ngendeni. Ahlale phasi UMaridili asikime msinyana uMlayedwa athi; 'Azingene, azingene madoda, Umakhelana uzabe abuguge abubuyisele ngendlini. Kuzwakale uJiyana akhuza uMlayedwa athi; 'Mlayedwa akhe uziphathe kuhle utjwala bulawulwa ngunomzana kwaphela. Nangabe ufuna ukulawula kufanele wenze 5 umsebenzi usimeme.'

Kuhlekwe ngebandla kuzwakale indoda ehlezi ngeqadi ngesandleni sokudla ithi; 'Jiyana ungakhulumu kuMlayedwa njalo. Uthi awenze kuphi umsebenzi ngombana uyathatha uyaqotha nje. Uthi kusesekhona umfazi ofuna ukuba libuya lakaMlayedwa. Ngiyiphi indoda ebizwa ngegama lapha. Soke sibizwa ngabentwana.' Kuzwakale ihleko 10 godu ngebandla. Athule uMlayedwa kubonakale ngokusikinyeka kwesilevu nomphimbo bona uyagwinya athi angadlulisela koseqadi kwakhe asule umlomo ...

[Ikhasi 28]

- 2.1 Tlola amagama wabalingisi ABABILI abakhulunyiswa etheksthini engehla le. (2)
- 2.2 Veza umehluko phakathi kwamadoda la angebandla noMlayedwa. (2)
- 2.3 Tlola isilwana uMlayedwa athi akayidli inyama yaso bese unikela nesizathu. (2)
- 2.4 Hlathulula isizathu esenza bona abantwaba bahlanganele KwaMaridili. (1)

- 2.5 Rhunyeza isizathu esibangela bona uMlayedwa atlhalwe bafazi. (1)
- 2.6 Hlathulula umhlobo werarano ovezwa kubetjhwa kukaMlayedwa ngepama abetjhwa nguMkhwebani. Ipendulakho ayibe liphuzu ELILODWA. (2)
- 2.7 Ingabe isenzo sakaMlayedwa sokuhlabi iimbuzi kodwana yena anganazo simveza amlingisi onjani. Ipendulwakho ayibe liphuzu ELILODWA. (2)
- 2.8 Khetha ipendulo enembako kilezi ezingenzasi.
- Isitlhori sendaba le sitholakala lokha ...
- A uMaridili anikela amadoda utjwala.
 B uMlayedwa nakathoma ingoma.
 C uJiyana nakahlekisa ngokungabi nomfazi kukaMlayedwa.
 D uMkhwebani nakabetha uMlayedwa ngepama. (2)
- 2.9 Phendula isitatimende esingenzasi ngoLIQINISOnofana AKUSILO IQINISO bese usekela isiquinto osithathako ngephuzu ELILODWA.
- Indaba le yenzeka endaweni yemaplasini. (2)
- 2.10 Coca ngokuphumelela komtloli ukunikela indatjana le isihloko esiyifaneleko. Ipendulwakho ayibe liphuzu ELILODWA. (2)
- 2.11 Tshwaya ngommoya otholakala endatjaneni le. Ipendulwakho ayibe liphuzu ELILODWA. (2)
- [20]**

IMITLOMELO YESIGABA A:	40
INANI LOKE:	40